



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Epistola II. Bonifacii Papae VIII. Ad Eadvvardvm I. Angliae Regem. Quod
regnum Scotiae pertineat ad ecclesiam Romanam.

urn:nbn:de:hbz:466:1-15974

EPISTOLA II.
 BONIFACII PAPÆ VIII.
 AD EADVVARDVM I. ANGLIÆ REGEM.

Quod regnum Scotiæ pertineat ad ecclesiam
 Romanam.

*Bonifacius episcopus seruus seruorum Dei carissimo in Christo
 filio Eadwardo regi Angliae illustri salutem
 & apostolicam benedictionem.*

SCIMVS, fili, & longo iam temporis spatio magistra nos rerum experientia docuit, qualiter erga Romanam matrem ecclesiam, quæ te gerit in visceribus caritatis, regiæ deuotionis affectus exuberat, reuerentia zelus viget, quodque promptus sedis eius verbis obtemperas, & beneplacitis acquiescis. Quamobrem firmam spem gerimus, plenamque fiduciam obtinemus, quod regalis sublimitas verba nostra benigne recipiat, diligenter intelligat, efficaciter prosequatur. Sane ad celsitudinem regiam potuit peruenisse, & in tua libro memoria nequaquam ambigimus contineri, qualiter ab antiquis temporibus regnum Scotiæ pleno iure pertinuit & adhuc pertinere dignoscitur ad ecclesiam supradictam: quodque illud, sicut accepimus, progenitoribus tuis, regni Angliae regibus, siue tibi feudale non exitit, nec existit. Qualiter etiam claræ memoria Henricus rex Angliae, pater tuus, tempore discordiæ siue belli inter ipsum & quemdam Simonem de Monteforti suoisque fautores & complices suscitatae, a recolendæ memoria Alexandro eiusdem Scotiæ rege, ac ipsius Henrici genero auxilium sibi petit exhiberi. Et ne huiusmodi auxilium iure cuiuslibet subiectionis aut debiti pétitum seu præstitum notaretur, præfatus Henricus eidem regi Scotiæ suas patentes duxit literas concedendas, per eas firmiter recognoscens prædictum auxilium recepisse, vel se recepturum dumtaxat de gratia speciali. Præterea cum successu temporis præfati regis Scotiæ, tui sororii, tunc viuentis, in tuæ coronationis solenniis habere præsentiam affectares, sibi per tuas patentes tenere literas curasti, quod in ipsis solenniis eius

habere præsentiam non ex debito, sed tantum de gratia intendebas. Et cum etiam rex ipse pro Tindaliæ ac de Poynerre terris, in regno Angliæ positis, se ad tuam præsentiam personaliter contulisset, tibi fidelitatem solitam impensurus, idem in præfatione fidelitatis huiusmodi, multis tunc præsentibus viuæ vocis oraculo publice declarauit, quod pro terris eisdem, sitis tantum in Anglia, non ut rex Scotiæ, neque pro Scotiæ regno, fidelitatem exhibeat eamdem; quinimo palam extitit protestatus, quod pro regno ipso tibi fidelitatem præstare seu facere aliquatenus non debebat, vtpote tibi penitus non subiecto. Tuque sic oblatam fidelitatem huiusmodi admisisti. Et tua quoque non creditur excidisse memoria, qualiter eodem rege Scotiæ de medio quondam sublato, Margaræta puella, nepte tua, tunc minoris ætatis, herede sibi relicta, non ad te velut ad dominum peruenit custodia regni memorati, sed certi eiusdem regni proceres ad eius custodiam extiterunt electi, quodque postmodum dispensatione ab apostolica sede obtenta super matrimonio contrahendo inter dilectum filium nobilem virum Eadvardum natum tuum, & Margaretam prædictam dum viueret; si ad id procerum dicti regni accederet vel haberetur assensus, tu eisdem proceribus per tua scripta causisse dignosceris, priusquam vellent huiusmodi matrimonio consentire, quod regnum ipsum penitus liberum, nullique subiectum, seu quoquis modo submissum in perpetuum remaneret, quodque in pristinum seu talem ipsius statum restitueretur omnino, si ex huiusmodi matrimonio contrahendo liberos non extare contingeret, ac nomen & honorem ut prius pariter retineret, tam in suis sibi seruandis legibus, & præficiendis officialibus dicti regni, quam parliamentis tenendis tractandis causis in ipso, & nullis eius incolis extra illud ad iudicium euocandis. Et quod in tuis patentibus literis inde confectis hæc plenius & seriosius contineri noscuntur. Præfata insuper Margaretæ de præsenti luce subtracta, & tandem super successione dicti regni Scotiæ suborta dissensionis materia inter partes, ipsius regni proceres, metuentes sibi di-
ctoque regno posse occasione huiusmodi præiudicium generari, non aliter ad tuam præsentiam extra ipsius ac-

cedere limites voluerunt, nisi per te patenti scripto caue-
retur eisdem, quod id non siebat ex debito, sed ex gratia
speciali: quodque nullum exinde ipsius regni libertacibus
posset dispendium imminere. Et licet (vt dicitur) super
statu eiusdem regni Scotiæ ac eius prius habita libertate,
regno ipso tunc carente præsidio defensoris, per ipsius re-
gni proceres, tunc velut acephalos, & duos vel aurigæ suf-
fragium non habentes, siue per illum, cui præfati regni
regimen, licet indebite, diceris commississe, contra morem
solitum aliqua fuerint haçtenus innouata, ea tamen, vt po-
te per vim & metum quæ cadere poterant in constantem
elicta, nequaquam debent de iure subsistere, aut in eius-
dem regni præiudicium redundare. Ceterum nobis nulla-
tenus venit in dubium, quin potius certi sumus, quod
cum apostolicae sedis præcellens auctoritas per suas lite-
ras in Anglia & Scotiæ regnis simul alicui legationis com-
mittit officium exequendum, vel pro quauis causa, quam
rationabilem reputat, decimæ solutionem indicit, hu-
iustmodi apostolicae literæ ad præfatum Scotiæ regnum se-
aliquatenus non extendunt, speciali prædictæ sedis pri-
uilegio Scotis indulto penitus obſistente, prout tempo-
re felicis recordationis Hadriani papæ prædecessoris no-
stri, tunc S. Hadriani diaconi cardinalis, & per ipsius se-
dis literas simul in regnis ipsis legati, cum quo familiariter
tunc eramus, contigit euidenter. Nam legatus ipse ad
præfatum regnum Scotiæ aliquatenus admissus non exti-
tit, donec per literas speciales apostolicas sibi legationis
fuit commissum officium in eodem. Præterea noscere po-
test regia celſitudo, qualiter regnum ipsum per beati Andreæ apostoli venerandas reliquias, non sine superni nu-
minis grandi dono, acquisitum & conuersum exitit ad
fidei catholice vnitatem: qualiter etiam antiquis tempo-
ribus Eboracensis archiepiscopus, qui tunc erat, mota per
eum super iure metropolitico aduersus prælatos Scotiæ
quaſtione, in qua dictum antiquitus fuisse commemorat,
Memento quod sumus tui, vt cetera quæ inde sequuntur
ſilentio relinquamus, pro ſe ſententiam obtinere nequi-
uit, quamvis alia plura & varia, quæ in hac parte ratio-
nabiliter proponenda ſe offerunt, ex quibus ad hanc tibi
ſcribenda mouemur, præterea calamus, ne inde forſitan
ſenſi-

sensibus regiis tedium generetur. Hæc profecto, fili carissime, infra claustra pectoris solicite considerare te conuenit, & attendere diligenter, ex quibus nulli in dubium veniat, regnum Scotiæ prælibatum ad præfatam Romanam ecclesiam pertinere, quod tibi nec licet, nec licuit, in ipsius ecclesiæ, ac multorum præiudicium, per violentiæ subiugare, tuæque subiicere ditioni. Cum autem, sicut habet fide digna & nostris iam pluries auribus inculcata relatio, famæque præcurrentis affatibus diuulgatur, tu præmissa, vt debueras, non attendens, neque debita consideratione discutiens, & ad occupandum & subiugandum ditioni regiæ regnum ipsum, tunc regis auxilio destitutum, vehementer aspirans, & tandem ad id exercens potentiaæ tua vires, venerabilibus fratribus nostris Roberto Glascueni, & Marco Sodorensi episcopis, & nonnullis clericis, & aliis personis ecclesiasticis dicti regni, vt dicitur, captis, & carceralibus vinculis traditis; quorum aliquos, sicut asseritur, squalor carceris violentus extinxit: ac etiam occupatis castris, & (prout fertur) monasteriis, aliisque religiosis locis quamplurimis dirutis, seu destrutis, ac damnis grauibus eiusdem regni habitatoribus irrogatis in eiusdem regni partibus officiales regios posuisti, qui prælatos, ceteros clericos, & ecclesiasticas ac etiam sæculares dicti regni personas, multimodis perturbare molestiis & afflictionibus variis, & diuersis impetere non verentur, in diuinæ maiestatis offendam, sedis memoratae contemptum, regiæ salutis & famæ dispendium, iuris iniuriam, & graue scandalum fidelium plurimorum. Regalem itaque magnificentiam rogamus & hortamur attente, ac obsecramus in eo qui est omnium vera salus, quatenus solerter attendens, quod ex debito pastoralis officii nostris humeris incumbentis, ad conseruanda & gubernanda solicite bona iuraque omnia ecclesiæ supra dictæ tenemur, quodque homini plusquam Deo deferre non possumus nec debemus, prædictos episcopos, clericos, & personas ecclesiasticas, quos adhuc carcer regius tenet inclusos, pro diuinæ & apostolicæ sedis ac nostra reuerentia (sublato difficultatis & dilationis obiectu) benignè restitui facias pristinæ libertati, dictosque officiales de regno Scotiæ reuoces memorato. Sic te in his

Concil. Tom. 28.

Rrrr

prout speramus & cupimus , promptis & efficacibus studiis habiturum ut apud cœlestem regem , pro minimis grandia dependentem , non immerito reddaris acceptior , gratior habearis , & præter laudis humanæ præconium tibi proinde prouenturum , apostolicæ sedis fauorem & gratiam possis vberius promerer . Si vero in eodem regno Scotiæ , vel aliqua eius parte , ius aliquod habere te afferis , volumus quod tuos procuratores & nuntios ad hoc specialiter constitutos cum omnibus iuribus & munimentis tuis , huiusmodi negotium contingentibus , infra sex menses a receptione præsentium numerandos , ad nostram præsentiam mittere non omittas , cum parati simus tibi tamquam dilecto filio plene super præmissis exhibere iustitiae complementum , & iura (si qua habes) inuiolabili ter obseruare . Nos enim nihilo minus extunc lites , quæstiones , & controuersias quaslibet , inter te denique & regnum Scotiæ , ac prælatos , clericos & personas seculares eiusdem subortas , & quæ possunt in posterum ex quibusvis causis prædictis exoriri , totumque negotium prædicta contingens , aut aliquod eorumdem , ad cognitionem & determinationem sedis eiusdem , præsentium tenore reducimus , & etiam reseruamus , decernentes irritum & inane , si secus scienter vel ignoranter a quoquam in hac parte contigerit attentari . Datum Anagniæ v . Kalendas Iulii , pontificatus nostri anno quinto .

EPISTOLA
ROBERTI ARCHIEPISCOPI
CANTVARIENSIS
AD BONIFACIVM PAPAM VIII.
Certificatio archiepiscopi domino papæ missa super
negotiis Scotiæ .

Sanctissimo in Christo patri , & domino suo reuerendo , si placet , domino Bonifacio diuina prouidentia sacrosanctæ Romane ac uniuersalis ecclesiæ summo pontifici , suus filius denotus Robertus , permissione diuina Cantuariensis ecclesiæ minister humilis , pedum oscula beatorum , cum promptitudine iuxta posse parendi mandatis papalibus ac præceptis .

MANDATVM sanctæ & reuerendæ paternitatis vestræ sub bulla plumbea nuper recepi , tenorem conti-